

說郭

正九十四

12
6
90



412
6
90



說邪目錄

弓第九十四

酒譜 竇革

北山酒經 王勣

續北山酒經 李保

酒經 蘇軾

酒經 朱翼中

酒孝經 劉炫

甘露經 王璣



小酒令 趙景

觥律 曹繼善

觴政述 趙與時

醉鄉日月 皇甫崧

貞元飲畧 竇常

飲戲助勸 竇黽

罰爵典故 李薦

熙寧酒課 趙珣

新豐酒法 林洪

酒乘 韋孟

觥記注 鄭儼

麴本草 田錫

酒爾雅 何劄

酒小史 宋伯仁

酒名記 張能臣

茗酪記 姚察

詩身自金 八 五九四

酒譜

宋 竇革

酒之源一

世言酒之所自者其說有三其一曰儀狄始作酒與禹同時又曰堯酒于鍾則酒作於堯非禹之世也其二曰神農本草著酒之性味皇帝內經亦言酒之致病則非始於儀狄也其三曰天有酒星酒之作也其與天地並矣予以謂是三者皆不足以考據而多其贅說也夫儀狄之名不見於經而獨出於世本世本

西晉



酒譜
非信書也其言曰儀狄始作酒醪以變五味少康始
作秫酒其後趙邠卿之徒遂曰儀狄作酒禹飲而甘
之遂絕旨酒而疎儀狄曰後世其有以酒敗國者乎
夫禹之勤儉固嘗惡旨酒而樂讜言附之以前所云
則贅矣或者又曰非儀狄也乃杜康也魏武帝樂府
亦曰何以消憂惟有杜康予謂杜氏本出於劉累在
商爲豕韋氏武王封之於杜傳國至杜伯爲宣王所
誅子孫奔晉遂有杜爲氏者士會亦其後也或者康
以善釀得名於世乎是未可知也謂酒始於康果非

也堯酒于鍾其言本出於孔叢子蓋委巷之說孔文
舉遂徵之以責曹公固已不取矣本草雖傳自炎帝
氏亦有近世之物始附見者不觀其辨藥所生出皆
以二漢郡國名其地則知不必皆炎帝之書也內經
言天地生育五材休王人之壽夭繫焉信三墳之書
也然考其文章知卒成是書者六國秦漢之際也故
言酒不以據以爲炎帝之始造也酒三星在女御之
側後世爲天宮者或者焉予謂星麗乎天雖自混元
之判則有之然事作乎下而應乎上推其驗於某星

此隨世之變而著之也。如宦者墳墓，弧矢、河鼓，皆太古所無，而先有是星，推之可以知其類。然則酒果誰始乎？予謂智者作之，天下後世循之，而莫能廢。故聖人不絕人之所同好，用於郊廟，享燕以爲禮之常，亦安知其始於誰乎？古者食飲必祭，先酒亦未嘗言所祭者爲誰，茲可見矣。夏書述大禹之戒，歌辭曰：「酌酒嗜味。」孟子曰：「禹惡旨酒，而好善言。」夏書所記當時之事，曰：「孟子所言追道在昔之事，聖賢之書言可信者，無先於此。」雖然，酒未以此始造也。若斷以必然之論，則誕謾而無以取信於世矣。

酒之名二

春秋運斗樞曰：「酒之言乳也，所以柔身扶老也。」許慎說文云：「酒，就也，所以就人性之善惡也。一曰造也。吉凶所造，起釋名曰：「酒，酉也，釀之米麴，酉，繹而成也。其味美，亦言踂踏也，能否皆強相踂持也。予謂古之所以名是物，以聲相命，取別而已。猶今方言在在，各殊形之於文，則其字曰滋味，必皆有意謂也。舉吳楚之音，而語於齊人，不知者十有八九。妄者欲探古名物，

造聲之意以示博聞則予笑之矣

說文曰賒酒母也醴一宿成也醪滓汁酒也酎三重酒也醕薄酒也醕厚酒也昔人謂酒爲歡伯其義見易秋蓋其可愛無貴賤賢不肖華夏夷戎共甘而樂之故其稱謂亦廣造作謂之釀亦曰醞賣之爲沽者當肆之曰壚釀之再者曰醅滃酒曰醞酒之酒曰醞醪白酒曰醴厚酒曰醕甚白曰醜相飲曰配相強曰浮飲盡曰醕使酒曰酌甚亂曰營飲而面赤曰酡病酒曰醒主人進酒於客曰酬客酌主人曰酢酌而無

酬酢曰醕合錢共飲曰釀賜民共飲曰醕不醉而怒曰異美酒曰醕其言廣博不可殫舉

周官酒人掌酒之政令辨五齊三酒之名一曰泛齊二曰醴齊三曰盎齊四曰醞齊五曰沈齊一曰事酒二曰昔酒三曰清酒此蓋當時厚薄之差而經無其說傳注悉度而解之未必得其真故曰之言也畧西京雜記有漂玉酒而著其說枚乘賦云尊盈漂玉之酒爵獻金漿之醪云梁人作落蔗酒名金漿不釋漂玉之義然此賦亦非乘之辭後人假附之耳輿地志

酒譜
云村人取若下水以釀而極美故世傳若下酒張協
作七命云荊州烏程豫章竹葉烏於九州屬揚州而
言荊州未詳西漢尤重上尊酒以賜近臣注云糯米
爲上尊稷爲中尊粟爲下尊顏籀曰此說非是酒以
醇醴乃分上中下之名非因米也稷粟同物而分爲
二大繆矣抱朴子所爲玄鬯者醇酒也

皮日休詩云明朝有酒充君信播酒三餅寄夜航播
酒江外酒名亦見沈約文集

張籍詩云釀酒愛乾和卽今人不入水酒也并汾間

以爲貴品名之曰乾酢音詐酒

宋之問詩云尊溢宜城酒笙裁曲沃匏宜城在襄陽
古之羅國也酒之名最古于今不廢唐人言酒之美
者有郢之富水滎陽土窟富春石凍春劔南燒春河
東乾和蒲東桃博嶺南靈溪博羅宜城九醒潯陽溢
水京城西市空蝦蟇陵其事見國史譜又有浮蟻榴
花諸美酒雜見於傳記者甚衆

酒之事三

詩云有酒湑我無酒酤我而孔子不食酤酒者蓋孔

子當亂世惡姦僞之害已故疑而不食也

韓非子云宋人酤酒懸幟甚高酒市有旗始見於此或謂之帘近世文士有賦之者中有警策之辭云無小無大一尺之布可縫或素或青十室之邑必有

古之善飲者多至石餘由唐已來遂無其人蓋自隋室更至度量而斗石倍大爾

紂爲長夜之飲而失其日問於百官皆莫知問於其子子曰國君飲而失日其國危矣國人不知而我獨知之我其危矣辭以醉而不知

魏正始中鄭公毅避暑歷城之北林取大蓮葉置硯格上貯酒三升以簪通其柄屈莖如象鼻傳喻之名爲碧筒

晉阮籍每以百錢掛杖頭遇店卽酣暢

山簡在荆襄每飲於習家池人歌曰日暮竟醉歸倒着白接籬

楊雄嗜酒而貧好事者或載酒飲之

陶潛貧而嗜酒人亦多就飲之旣醉而去曾不恡情嘗以九日無酒獨於花中徘徊俄見白衣人乃王弘

遣人送酒也遂盡醉而罷

魏氏春秋云阮籍以步兵營人善釀厨多美酒求爲步兵校尉

唐王無功以美酒之故求爲大樂丞丞乃賤職自無功居之後遂爲清流

北齊李元中大率嘗醉家事大小了不關心每言寧無食不可無酒

今人元日飲屠蘇酒云可以辭瘟氣亦曰藍尾酒或以年高最後飲之故有尾之義爾

王莽以臘日獻椒酒於平帝其屠蘇之漸乎

元魏大武賜崔浩漂醪十斛

唐憲宗賜李絳醪醢桑落唐之上尊也良醜令掌供之

漢高祖爲布衣時常從王媪武負貫酒

西漢已來臘日飲椒酒見四民月令

天漢三年初榷酒酤元始五年官賣酒每升四錢酒價始此

任昉嘗謂劉杳曰酒有千日當是虛言杳曰桂陽程

鄉有千日酒飲之至家而醉亦其例昉大驚乃自出
楊元鳳所撰置郡事檢之而信又嘗有人遺昉榘酒
者劉杳爲辨其榘字之誤榘音陣木名其汁可以爲
酒

春秋說題辭曰爲酒據陰乃動麥陰也黍陽也先漬
麴而投黍是陽得陰而沸乃成

淮南子云酒感東方木水風之氣而成其言荒忽不
足考信故不悉載

楚辭云奠桂酒兮椒漿然則古之造酒皆以椒桂

呂氏春秋云孟冬命有司秫稻必齊麴蘖必時湛熾
必潔水泉必香陶器必良火齊不得厲用六物無或
差忒大酋監之

唐薄白公以戶小飲薄酒

五代時有張逸人嘗題崔氏酒壚云武陵城裏崔家
酒地上應無天上有雲遊道士飲一斗醉卧白雲深
洞口自是酤者愈衆

卞彬喜飲以瓠壺瓠勺燒皮爲肴

陶潛爲彭澤令公田皆令種黍酒熟以頭上葛巾漉

之

唐陽城爲諫議每俸入度其經用之餘盡送酒家
西京雜記漢人采菊花并莖葉釀之以黍米至來年
九月九日熟而就飲謂之菊花酒

酒之功四

勾踐思刷會稽之耻欲士之致死力得酒則流之於
江與之同醉

秦穆公伐晉及河將勞師而醪惟一鍾蹇叔勸之曰
雖一米可投之於河而釀也於是乃投之於河三軍

皆醉

孔文舉云趙之走卒東迎其主非卮酒無以辨卮之
事史記及漢書皆不載惟見於楚漢春秋

王莽時瑯琊海曲有呂母者子爲小吏犯微法令枉
殺之母家業素豐財乃多釀酒少年來沽必倍售之
終歲多不取其直久之家稍乏諸少年議償之母泣
曰所以厚諸君者以令不道枉殺吾子托君復讎耳
豈望報乎少年義之相與聚誅令後其衆爲赤眉

晉時荊州公厨有齊中酒廳事酒猥酒優劣三品劉

弘作牧始命合爲一不得分別人伏其平

河東人劉白墮善釀六月以甕酒曝於日中經旬味不動而愈香美使人久醉朝士千里相饋號曰雀觴一名騎驢酒永熙中南青州刺史毛洪賓齎酒之蕃路逢盜劫之皆醉因執之乃名榆姦酒時人語曰不畏張弓拔劍惟思白墮春醪見洛陽伽藍記

温克五

禮云君子之飲酒也一爵而色温如也二爵而言言斯三爵而冲然以退

楊子雲曰侍坐於君子有酒則觀禮

于定國飲酒一石治獄益精明

晉何充善飲而温克

魏邴原別傳曰原舊能飲酒自行役八九年間酒不向口至陳留則師韓子助潁川則親陳仲弓涿郡則親盧子幹臨歸友以原不飲酒會米肉送原原曰本能飲酒但以荒思廢業故斷之耳今當遠別因見賧餞可一飲乎於是飲酒終日不醉

鄭玄別傳馬季長以英儒著名玄往從參考異同時

與盧子幹相善在門下七年以母老歸養玄餞之會
三百餘人皆離席奉觴度玄所飲三百餘杯而温克
之容終日無怠

孔融好飲而能文常云座上客常滿尊中酒不空吾
無患矣

裴均在襄陽合燕有裴弘泰後至責之謝曰願赦罪
而取在席之器滿酌而納其器合坐壯之又有一銀
海受酒一斗餘亦醺而抱海去均以爲必腐脅而死
使覘之見紗帽箕踞秤銀海計二百兩

李白每大醉爲文未嘗差誤與醒者語無不屈服人
目爲醉聖

樂天在河南自稱爲醉尹

皮日休稱曰醉士

開元中天下康樂自招應縣至都門官道之左右當
路市酒錢量數飲之亦有施者爲行人解乏故路人
號爲歇馬杯亦古人衢尊之義也

文王元寶賢而好施每大雪自坊口掃雪立於坊前
迎賓就家具酒煖寒

梁謝諲不妄交有時獨醉曰入我室者但有清風對
吾飲者惟當明月

宋沈文季爲吳興太守飲酒五斗妻王亦飲一斗竟
日對飲視事不廢

五代之亂干戈日尋而鄭雲叟隱於華山與羅隱終
日怡然對飲有酒詩二十章好事繪爲圖以相貺遺

亂德六

小說云紂爲糟丘酒池一鼓而牛飲者三千人池可
運舟

冲虛經云子產之兄曰穆其寶聚酒千鍾積麴成封
糟漿之氣逆於人鼻日荒於酒絕不知世道之安危
也

史記紂及齊威王晉書王道子秦符堅王悅皆爲長
夜飲

楚恭王與晉師戰于鄢而敗方將復戰召太司馬子
反謀之子反飲酒醉不能見王嘆曰天敗我也乃班
師而戮子反

鄭良宵爲窟竇而晝夜飲鄭人殺之

三輔決錄漢武帝自以功大更廣秦之酒池肉樹以
賜羌胡而酒可浮舟

魏志徐邈字景山爲尚書郎時禁酒邈私沉醉趙達
問以曹事邈曰酒中聖人達白太祖太祖怒渡遼將
軍鮮于輔進曰醉客爲酒清者爲聖人濁者爲賢人
此醉言爾

三十國春秋曰阮孚爲散騎常侍終日酣縱嘗以金
貂換酒爲友所彈

裴楷別傳曰石崇與楷孫綽宴酣而綽慢卽過度崇

欲表之楷曰季舒酒狂四海所知足下飲人狂藥而
責人正禮乎

宋孔顛使酒仗氣彌日不醒僚類之間多爲凌忽

漢末政在奄宦有獻西涼州葡萄酒十斛於張讓者

立拜涼州刺史

元魏時汝南王悅無懌爲元乂所枉殺悅畧無復讎
之意復以桑落酒遺乂遂拜侍中

韓子云齊桓公醉而遺其冠耻之三日不朝管仲因
請發倉廩賑窮三日民歌曰何不更遺冠乎

晉阮咸每與宗人共集以大盆盛酒不用杯勺圍坐相間更飲羣豕來飲其酒咸接去其上便共飲之晉文王欲爲武帝求婚於阮籍醉不得言者六十日乃止胡母輔之等方散髮裸袒閉室酣飲已異日阮逸將排戶入守者不聽逸乃脫頭露頂於狗竇中呼輔之遽呼入飲不捨晝夜

唐進士劉遇劉參郭保衡王仲張道隱每春選妓三五人乘犢小車裸袒園中呼笑自若曰顛飲

元魏時崔儵每一醉八日

三國時鄭泉願得美酒滿一百斛船甘脆置兩頭反復輒飲之憊卽往啖肴膳酒有斗升減卽益之將終謂同志曰必葬我陶家側庶百年化爲土或見取爲酒壺實獲我心

晉人周顛過江積年恒日飲酒惟三日醒時人謂之三日僕射

畢卓爲吏部比舍郎釀酒熟卓夜盜飲

劉伶嘗乘鹿車携一壺酒使人荷鍤隨之曰死便埋

我

誠失七

周書酒誥曰文王誥教小子有正有事無彝酒

管輅別傳曰諸葛景與輅別誠以二事言卿性樂酒
量雖溫克然不可保寧當節之輅曰酒不可盡吾欲
持才以愚何患之有也

晉祖台之與王荊州書願君屏爵弃卮焚壘毀榼殛
儀狄於羽山放杜康於三危古人繫重離必有贈言
僕之與君其能已乎

宋書曰王悅卷從弟也詔爲天門太守悅恃酒輟醉
及醒則儼然端肅卷謂悅曰酒雖悅性亦所傷生
蕭子顯齊書臧榮緒東莞人也以酒亂言常爲誠
世說晉元帝過江猶飲酒王茂弘與帝友舊流涕諫
帝許之卽酌一杯從是遂斷

梁典曰劉韶平原人也年二十便斷酒肉

梁王魏粲觴者危於范臺酒酣請魯君舉觴魯君曰
昔者帝令儀狄作酒而美之進於禹禹飲而甘之遂
踈儀狄而絕旨酒曰後世必有以酒亡國者

周官萍氏掌幾酒謂之萍古無其說按本草述水萍之功云能勝酒萍之意其取於此乎

陶侃飲酒必自制其量人或以為言侃曰少時嘗有酒失亡親見約故不敢盡量耳

桓公與管仲飲掘新井而柴焉十日齋戒召管仲管仲至公執尊觴三行管仲趨出公怒曰寡人齋戒以飲仲父以為脫於罪矣對曰吾聞湛於樂者洽於憂厚於味者薄於行是以走出公拜送之

又云桓公飲大夫酒管仲後至公舉觴以飲之管仲弃半酒公曰禮乎曰臣聞酒入舌出則言失者弃身臣計弃身不如弃酒公大笑曰仲父就坐

北夢瑣言陸扈在夷陵有士子入謁因命之飲曰天性不飲扈白已減半矣言當寡過也

蕭齊劉玄明政事為天下最或問政術答曰作縣令但食一升飯而不飲酒此第一策也

長孫登好賓客雖不飲酒而好觀人酣飲談論古今或繼以火常恐客去畜異饌以留之

趙襄子飲酒五日五夜不醉而自矜優真曰昔紂飲

酒七日七夜不醉君勉之則及矣襄子曰吾幾亡乎對曰紂遇周武所以亡今天下盡紂何遽亡然亦危矣

釋氏之教尤以酒爲戒故四分律云飲酒有十過失一顏色惡二少力三眼不明四見與相五壞田業資生六增疾病七益鬪訟八惡名流布九智慧減少十身壞命終墮諸惡道

韓詩外傳飲之禮跣而上坐之宴能飲者飲之不能飲者已謂之醜齊顏色均衆寡謂之沈閨門不出謂之酒君子可以宴可以醜不可以沈不可以酒

魏畧曰太祖禁酒人或私飲以白酒爲賢人清酒爲聖人

典論云漢靈帝末有司酒酒斗直千錢

西京雜記云司馬相如遠成都以鷓鴣裘就人陽昌換酒與文君爲歡

宋明帝文章志云王忱每醉連日不醒自號上頓時人以大飲爲上頓自忱始也

益部傳曰楊子拒妻劉泰璞貞懿達禮子元宗醉歸

舍劉十日不見諸弟謝過乃責之曰汝沈荒不敬何以帥先諸弟

神異八

張華有九醞酒每醉卽令人傳止之嘗有故人來與共飲忘勅左右至明華寤視之腹以穿酒流床下王子年拾遺記張華爲酒煮三薇以漬麴蘖出西羌麴出北胡以釀酒得美淳粳久含令人齒動若大醉不搖蕩使人肝腸爛俗謂消腸酒或云酒可爲長宵之樂兩說聲同而事異也

崔豹古今注云漢魏弘爲閩鄉嗇夫夜宿一津逢故人四顧荒郊無酒可沽因以錢投水中盡夕酣暢因名沈釀川

義寧初有一縣丞甚俊而文晚乃嗜酒日必數升病甚酒臭數里旬日卒

張茂先博物志云昔人有名玄石從中山酒家與之千日酒而忘語其節歸日沉暝而家人不知以爲死也棺斂葬之酒家經千日忽悟而往告之發其冢適

醒

尸子曰赤縣洲者是爲昆侖之墟其滷而浮爲蓬芽
上生紅草食其一實醉三百年

王充論衡云須曼都好道去家三年而返曰仙人將
我上天飲我流霞一杯數月不飢

道書謂露爲天酒見東方朔神異經

劉向烈女傳曰安期先生與神女會于圓丘酣玄碧
之酒

石虎於大武殿起樓高四十丈上有銅龍腹空着數
百斛酒使胡人於樓下漱酒風至望之如霧名曰粘

酒臺使以酒塵事見拾遺記

魏賈瑤有奴善別水嘗乘舟於黃河中流以匏瓠接
河源水不過七八升經宿色如絳以釀酒名昆侖觴
香味妙絕曾以三十斛上魏帝

李肇云鄭人以滎水釀酒近邑之水重於遠郊之水
數倍

堯登山山湧一泉味如九醞色如玉漿號曰醒泉
南岳夫人傳曰夫人賜王子喬瓊蘇淥酒

十洲記云瀛洲有玉膏如酒名曰玉酒數升令人長

生

東方朔別傳云武帝幸甘泉嘗平阪道中有虫赤如肝頭目口齒悉具朔曰此怪氣必秦獄處積憂者得酒而解乃取虫置酒中立消後以酒置屬車爲此也

異域九

天竺國謂酒爲酥今北僧多云般若湯蓋庾辭以避法禁爾非釋典所出

古今注云烏孫國有青田核莫知其樹與花其實大如五六升匏空之盛水而成酒劉章曾得二焉集賓

設之可供二十人一核纔盡一核復成久置則味苦矣

波斯國有三勒漿類酒謂庵摩勒毗梨勒也

訶陵國人以柳花柳子爲酒飲之亦醉

大宛國多以葡萄釀酒多者藏至萬石雖數十年亦不敗

扶南傳曰頓孫國有安石榴取汁停盆中數日成美酒

真獵國人不飲酒比之淫惟與妻飲于房中避尊長

見

房千里投荒錄云南方人有女數歲卽大釀酒候陂水竭寘壺其中密固其上候女將嫁決水取之供客謂之女酒味絕美居常不可致也

扶南有柳漿又有蔗及土瓜根酒色微赤爾

性味十

本草云酒味苦甘辛大熱有毒主行藥勢殺百虫惡氣注陶隱居云大寒凝海惟酒不冰明其性熱獨冠羣物飲之令人神昏體弊是其毒也昔有三人晨犯

霧露而行空腹者死食粥者病飲酒者無疾明酒禦寒邪過於穀氣矣酒雖能勝寒邪通和諸氣苟過則成大疾傳曰惟酒可以忘憂無如病何內經十八卷其首論後世人多夭促不及上古之壽則由今之人以酒爲漿以妄爲常醉以入房其爲害如此凡酒氣獨勝而穀氣劣脾不能化則發於四肢而爲熱厥甚則爲酒醉而風入之則爲漏風無所不至凡人醉而卧黍穰中必成癩醉而飲茶必發膀胱氣食鹹多則有成消中

皇甫松醉鄉日月記云松脂蠲百疾每糯米一斛松脂十四兩別以糯米二升煮如粥稍冷着小麥麩一片半每片重二三兩火曝乾搗爲末攪作酵五日以來候起辨炊飯來須薄之更以麩二十片火焙乾作末用水六斗五升酵及麩末飯等一時攪和入甕瓮煖和如常春冬四日秋夏三日成

又云酒之酸者可變使甘酒半斗黑錫一斤炙令極熱投中半日可去之矣

南史記虞宗有鯖鮓云可以醒酒而不著其造作之

法

魏文帝詔曰且說葡萄解酒宿醒淹露汁多除煩解熱善醉易醒

禮樂志云柘漿析朝醒言甘蔗汁治酒病也

開元遺事云興慶池南有草數叢葉紫而莖赤有醉者摘葉臭之立醒故謂之醉醒草

五代史云李德裕平泉有醒酒石尤爲珍物醉則踞之

飲器十一

上古汙尊而杯飲未有杯壺制也

漢書云舜祀宗廟用玉斝其飲器歟

周書詩云兕觥其觶

周王制一升曰爵二升曰斛三升曰觶四升曰角五升曰散一斗曰壺別名有醖尊酒杯不一其號或曰小玉杯謂之琖又曰酒微濁曰醖俗書曰盞爾由六國以來多云製卮形製未詳

劉向說苑云魏文侯與大夫飲日不盡者浮以大白漢書或謂舉盞以白醕非也

豐杆杜舉皆因器以爲戒者

漢世多以鴟夷貯酒楊雄爲之贊曰鴟夷滑稽腹中如壺盡日盛酒人復借沽常爲國器託于屬車

南史有蝦頭杯蓋海中巨鰕其頭甲爲杯也

十洲記云周穆王時有杯名曰常滿

自晉以來酒器又多云鎗故南史有銀酒鎗鎗或作鎗陳暄好飲自云何水曹眼不識杯鎗吾口不離瓢杓李白云舒洲杓力士鎗北史記孟信與老人飲以鐵鎗温酒然鎗者本温酒器也今遂通以爲蒸飪之

酒譜
具云

宋何點隱於武丘山竟陵王子陵遺以嵇叔夜之杯

徐景山之酒鎗

松陵唱和又有瘦木杯詩蓋木節爲之

老杜詩云醉倒終同筍竹根蓋以竹根爲飲杯也見

江淹集

唐人尤尚蓮子杯白公詩中屢稱之

樂天又云榼木來方瀉蒙茶到始煎

李太白有山尊詩云尊成山岳勢朽是棟梁餘今世

豪飲多以焦葉梨花相強未知出於誰氏

訶陵國以鬻魚殼爲酒尊事見松陵唱和詩云用合

對江螺

唐韓文公贈崔斯立詩云我有雙飲盞其銀得朱提

黃金塗物象彫携妙工倕乃令千鍾鯨公麼徵蝨斯

猶能爭明月擺掉出渺瀰野草花葉細不辨蕢菜蔬

絲絲相糝結狀似環城陴四隅天吞樹擢艷皆猗猗

云云蓋皆有興喻故歷言其狀如此今好事者多按

其文作之名爲韓杯

西屬有酒杯藤大如臂葉似葛花實如梧桐花堅可酌實大如杯味如豆蔻香美土人持酒來藤下摘花酌酒乃實消酒國人寶之不傳中土事見張騫出關志

酒令十二

詩雅云人之齊聖飲酒溫恭又云既立之監或佐之史然則飲之立監史也所以已亂而備酒禍也後世因之有酒令焉

魏文侯飲酒使公乘不仁焉商政其酒令之漸歟

漢初始聞朱虛侯以軍法行酒

逸詩云羽觴隨波流後世浮波疎泉之始也

唐柳子厚有序飲一篇始見其以涸泝遲駛爲罰爵之差皆酒令之變也又有藏鈎之戲或云起於鈎弋夫人有國色而手拳武帝自披之乃伸後人慕之而爲此戲白公詩云徐動碧芽籌又云轉花移酒海今之世酒令其類尤多有捕醉仙者爲禺人轉之以指席者有流杯者有揔數者有密書一字使誦持句以抵之者不可殫名昔五代王章史肇之燕有手勢令

此皆富貴逸居之所宜若幽人賢士既無絲竹金石之玩惟嘯咏文史可以助歡故曰閒徵雅令窮經史醉聽新吟勝管絃今畧志其美而近者於左

孟嘗門下三千客大有同人湟水渡頭十萬羊未濟小畜

馬援以馬革裹屍死而後已李耳指李樹為姓生而知之

江革隔江見魯般般櫓李元園裏喚蔡釋釋菜

拆字為反切者 矢引矧 欠金欽

名字相反切者 干謹字巨引 尹珍字道真

孫程字稚卿

古人名姓點畫絕省者 宇文士及 爾朱天光

子州友父 公父文伯 王子比干 王士平

呂太一 王子中 王太丘 江子一 于方

卜巳 方干 王元 丁义 江乙 文丘 卜式

王丘

字畫之繁者 蘇繼顏 謝靈運 韓麒麟

李繼鸞 邊歸讜 樂麤 鱗鱒 蕭鸞

音聲同者 高敖曹 田延年 劉幽求

字畫類者 田甲 李季

臺字去吉增點成室 居字去古增點成戶

火炎昆岡 山出器車 土圭封國

百金之士千萬五刑之屬三千

蕩蕩乎民無能名欣欣焉人樂其性

公子牟身在江湖心游魏闕鄭子真耕於岩石名動

京師

前徒倒戈以北長者扶義而東

運天德以君世散皇明而燭幽

今人多以文句首末二字相聯謂之粘頭續尾嘗有
客云維其時矣自謂文句必無矣字居首者欲以見
窘于答者不知矣焉也者決辭也出柳子厚文遂浮
以大白

白公東南行云鞍馬呼教住骰盤喝遣輸長駟波卷
白連擲采成盧注云骰盤卷白波莫走鞍馬皆當時
酒令法未詳蓋元白一時之事爾

國史譜稱鄭弘慶始荆平素精看四字令未詳其法

總論

予行天下幾大半見酒之苦薄者無新塗以是獨醒者彌歲因筦庫餘閑記憶舊聞以爲此譜一覽之以自適亦猶孫公想天台而賦之韓吏部記畫之比也然傳有云圖西施毛嬙而顧之不如醜妾可立御於前覽者無咲焉甲子六月旣望日在衡陽次公寶子野題

續北山酒經

宋 李保

大隱先生朱翼中壯年勇退著書釀酒僑居西湖上而老焉屢朝廷大興醫學求深於道術者爲之官帥乃起公爲博士與余爲同僚明年中翼坐東坡詩貶達州又明年以官祠還未至余一旦夢翼中相過且誦詩云投老南遷愧轉蓬會令淨土變夷風由來祇許杯中物萬事從渠醉眼中明日理書帙得翼中北山酒經法而讀之蓋有禦魑魅於烟嵐轉炎荒爲淨

續北山酒經
土之語與夢頗契余甚異乃作此詩以志之他時見
翼中當以是問之其果夢之非耶政和七年正月二
十五日也赤子含得天所均日漸月化滋澆淳惟帝
哀矜憫之民爲作醪醴發其蒸炊香釀玉爲物春投
糯醪米授之神成此美祿功非人酣適安在味甘辛
一醉徑與羲皇隣薰然盈腹皆慈仁陶冶窮愁孰知
貧頌德不獨有伯倫先生作經賢聖分獨醒正侶非
全身全德不許世人聞夢中作詩語所親不愿萬戶
誤國恩乞取醉鄉作封君幾乎道已敢紀之

醞酒法

思春堂酒

雲腴酒

瓊液酒

秋前麴法

銀波麴法

石室麴法

藍橋麴法

玉漿麴法

麴麴法

菘豆麴法

蓮花麴法

香藥麴法

清白泉麴法

相州碎玉法

玉露麴法

薑麴法

銀花麴法

碧香麴法

雙投酒法

麥麴法

真珠麴法

醉鄉奇法

白酒麴法

瓊漿麴法

蓮花白麴法 石室鄭家麴法

知州公庫白酒麴法 芙蓉麴法

南安庫宜城麴法 三柳麴法

玉醅麴法 玉液麴法 竹葉清麴法

清泉麴法 木香麴法 木豆麴法

岷州大潭縣麴法 冷仙麴法

耀州譚道士傳異麴法 羊羔麴法

蜜酒法 雪花肉酒法 醪醲酒法

四明碧香酒麴法 春紅酒法

軟春酒法

酒經

宋 蘇軾

南方之氓以糯與粳雜以卉藥而爲餅嗅之香嚼之辣揣之枵然而輕此餅之良者也吾始取麩而起肥之和之以薑汁蒸之使十裂繩穿而風戾之愈久而益悍此麩之精者也米五斗爲率而五分之爲三斗者一爲五升者四三斗者以釀五升者以投三投而止尚有五升之羸也始釀以四兩之餅而每投以三兩之麩皆澤以少水足以解散而勻停也釀者必壅

酒經
按而井泓之三日而井溢此吾酒之萌也酒之始萌也甚烈而微苦蓋三投而後平也凡餅裂而麴和投者必屢嘗而增損之以舌爲權衡也旣溢之三日乃投九日三投通十有五日而後定旣定乃注以斗水凡水必熟冷者也凡釀與投必寒之而後下此炎州之令也旣水五日乃芻得三斗有半此吾酒之正也先籩半日取所謂羸者爲粥米一而水三之操以餅麴凡四兩二物并也投之糟中熟潤而再釀之五日壓得斗有半此吾酒之少勁者也勁正合爲五斗又五日而飲則和而力嚴而猛也籩不旋踵而粥投之少留則糟枯中風而酒病也釀久者酒醇而豐速者反是故吾酒三十日而成也

酒經

宋 朱翼中

酒之作尚矣儀狄作酒醪杜康作秫酒豈以善釀得名蓋抑始終如此酒味甘辛大熱有毒雖可忘憂復能作疾所謂腐腸爛胃浸髓蒸筋而劉詞養生論酒所以醉人者麴蘖之氣故耳麴蘖之氣消化爲水昔先王詰庶拜庶士無彝酒又曰祀茲酒言天之命民作酒惟祀而以六彝有舟所以戒其覆六尊有壘所以戒其淫陶侃劇飲亦自制其限後世以酒爲漿不

醉反耻豈知百味之長黃帝所以治疾耶大抵晉人嗜酒孔羣作書族人今得林七百斛不了麴蘖事王忱三日不飲酒覺形神不復相親至於劉殷稽阮之徒尤不可一日無此要之酣放自肆托於麴蘖以逃世網未必真得酒中趣爾古之所謂得全於酒者正不如此是知狂藥自有妙理豈特洗其礪礪者邪五斗先生弃官而歸耕於東臯之野浪遊醉鄉没身不返以謂結繩之政已薄矣雖黃帝華胥之遊殆未有以過之由此觀之酒之境界豈備歡者所能與之哉

儒學之士如韓愈者猶不足以知此返悲醉鄉之徒爲不遇大哉酒之於世也禮天下事鬼神射鄉之飲鹿鳴之歌賓主百拜左右秩秩上至縉紳下逮閭里詩人墨客樵夫漁父無一可以缺此投閒自放懷襟露腹便然酣卧於江湖之上扶頭解醒忽而睡醒雖道術之士鍊陽消陰飢腸如筋而熟穀之液亦不能去惟胡人禪律以此爲戒恐至於濡首敗性失理傷生往往屏爵弃卮焚罍折榼終身不復知其味者酒復何過邪平居無事汗尊斗酒發狂蕩之思助江湖

酒經
之典亦未足以知麴蘖之力稻米之功至於流離放
逐秋聲暮雨朝登糟丘暮遊麴封禦魑魅於煙嵐轉
炎荒爲淨土酒之功力其近於道邪與酒遊者死生
驚懼交於前而不知視窮泰違順特戲事爾彼饑餓
其身焦勞其思牛衣發兒女之感澤客現可憐之色
又烏足以議此哉嗚夷丈人以酒爲名含垢受侮與
世浮沉而彼騷人高自標持分別黑白且不足以全
身遠害猶以爲惟我獨醒善乎酒之移人也慘舒陰
陽平治險阻剛愎者薰然而慈仁懦弱者感慨而激

烈陵轢王公玩弄妻妾滑稽不窮斟酌自如識量之
高風味之微足以還澆薄而發猥瑣豈特此哉夙夜
在公豈樂飲酒魚藻酌以大斗苻葦不醉無歸湛露
君臣相遇播於聲詩亦未足以語太平之盛至於黎
民休息日月飲食祝史無承神其醉止斯可謂至德
之世矣然則伯倫之頌德樂天之論功益未必有以
形容之夫其道深遠非冥搜不足以發其義其術精
微非三昧不足以善其事昔唐逸人追述焦革酒法
立祠配享又采自古以來善酒者以爲譜雖其書脫

酒經 三
畧卑陋聞者垂涎酣適之言誦而心醉非酒之董狐
其孰能爲之哉昔人有齊中酒聽事酒猥酒雖以麴
蘖爲之而有聖有賢清濁不同周官酒正以式法受
酒材辨五齊之名三酒之物歲中以酒式誅賞月令
乃命大酋酒之長官也秫稻不齊麴蘖必時湛餽必潔水
泉必香陶器必良火齊必得六者盡善更得醴漿則
酒人之事過半矣周公漿人掌共王之六飲水漿醴
涼醫馳入手酒府而漿醉爲先古語爲之空桑穢飯
醴以稷麥以成醇醪酒之始也說文酒白謂之醴醴

者壞飯也醴者老也飯老卽壞飯不壞則酒不甜又
曰烏梅又麴胡板切甜醪九投澄清百品酒之終也麴
之於黍猶鉛之於汞陰陽相制變化自然春秋緯曰
麥陰也黍陽也先漬麴而投黍是陽得陰而沸後世
麴有用藥者所以治疾也麴用豆亦佳神農氏赤小
豆飲汁愈酒病酒有熱得豆爲良便硬薄少蘊藉耳
古者醴酒在室醞酒在堂澄酒在下而酒以辛醇爲
上飲家須察麥性陳新天氣冷煖春夏及黍性新軟
則先湯平聲而後米酒人謂之倒湯去聲秋冬黍性陳硬

酒經

四

先米而後湯酒人謂之正湯醞釀須酴米倫酸

說文酴酒

母也酴音途投醴偷甜澗人不善偷酸所以酒熟入灰北

人不善偷甜所以飲多令人膈上懊懣桓公所謂青

州從事平原督郵者此也酒甘易釀味辛難醞釋名

酒者酉也酉者陰也酉用事而為收也用奚而散散

者辛也酒之名以甘辛為義金木間隔以土為媒自

酸之甘自甘之辛而酒成焉酴米所以要酸也所謂投醴所以要甜也

以土之甘合水作酸以木之酸合土作辛然後知投

者所以作辛也說文投者釀也張華有九醞酒齊民

要術桑落酒有六七投者酒以投多為善要在麴力

相及醱酒所以有酌酒亦以其再投故也過度亦多

術尤忌見日若太陽出即酒多不中後魏賈思勰亦

以夜半蒸炊昧且下釀所謂以陰制陽其義如此着

水無多少拌和黍麥以勻為度張籍詩釀酒愛乾和

即今人不入定酒也晉人謂之乾榨酒大抵用水隨

其湯去聲黍大小斟酌之若投多水寬亦不妨要之米

力勝於麴麴力勝如水即善矣北人不用酵祇用別

案水謂之信水然信水非酵也酒人以此體候冷煖

甘苦凡醞不用酵卽難發醇來遲則脚不正祇用正發酒醅最良不然則掉取醅面絞令稍乾和以麴蘖掛于衡茅謂之乾酵用麴四時不同寒卽多用溫卽減之酒人冬月用酵緊用麴少夏月用麴多用酵緩天氣極熱置瓮於深屋温室多用氈毯繞之語林云抱瓮冬醪言冬月釀酒令人抱瓮速成而味好大抵冬月蓋覆卽陽氣在內而酒不凍夏月閉藏而陰氣在內而酒不動非深得卯酉出入之義孰能知此哉於戲酒之梗槩曲盡於此若夫心手之間不傳文字

固有父子一法而氣味不同一手自釀而色澤殊絕此雖酒人亦不能自知也

總論

頓遍祠祭麴

香泉麴

香桂麴

已上番麴

瑶泉麴

金波麴

滑臺麴

豆花麴

已上風麴

玉友麴

白醪麴

小酒麴

真一麴

蓮子麴

已上醪麴

臥漿

淘漿

煎漿

蒸醋漉米

湯米

用麴

合醇

蒸甜麩

投醪

酴米

酴米海母也今人謂之脚飯

酒器

上糟

收酒

煮酒

火迫酒

曝酒法

白羊酒

地黃酒

菊花酒

酴醪酒

蒲菊酒法

煨酒

神仙酒法

武陵桃源酒法

真人變髭髮方

時中麴法

冷泉酒法

續添麴法

酴醪麴

華亭麴

造思堂春

瓊液麴

青水麴

造雲腹

麩麴

造雲腹并合醇用

安雅堂鮠律

灤東曹繼善

鮠贊一

鮠例五首

鮠綱五

鮠律百八首

鮠律贊
魚麗于魯鱸鯉君子有酒旨且 林下日捲白波溪上時傾綠蟻 英英頌酒名流托逃洞鑿暝搜 將欲天上寄愁何不地下埋憂

觥律例一

詩曰飲酒思柔臧觥斯速既飲之酒又文之監錄事明府聊翫世勿榮華身觥律于釀王曜酒旂于趙部是故君子安雅

觥律例二

元人述紹贊漢魏六朝唐宋名飲百賢而酒令之章章哉今于賢易委瑣四之贊易鄙陋七之匪盤傲之是樂而博奕之猶賢

觥律例三

名飲家謂睡者為狂花睡者為病葉不可與飲者歡場之害馬深刻慘酷者杯酌之商君漏馬做色者鬼家之活計執政畛諸

觥律例四

賢取麴憲加贊也令采觴政酒鑿也成觥律一百八云術亦多矣茲乃贅乎卿用卿法我用我法鼓舞以盡變存乎其人

觥 律 例 五

古謂苛求陡發在藥錄事之不綱也毋秉觥致提昏賣政紊亂章程明府之受請也毋盟酒鑒其有點陟非詔自釀王也誰敢

醉 鄉 封 侯

予嗜酒安得酒泉而封之集酒兵聊代御舞無酒意者不載無酒趣者不示快觀之勝嚼河東酒一斗矣世有酒帝願求醉鄉侯

糟 丘 封 伯

酒以成禮故曰法酒以合歡故無崇夫酒德尚矣世有如伯伶善酒閉關心遊廖霏忽荒之墅者予請裂糟丘百里而封之伯

釀 王 觥 律

釀王巡翹部四筵咸用命非名飲不揚非雅詞不令
盟
主
紀事
唐李璣自稱釀王兼翹部尚書
飲巨觥出令錄事明府為輔車同飲預令

錄事

監

選客為錄事須擇飲材堪善冷
及知音大戶成為三

觥令

觥律

錄事不綱宜沉酒于平
原督郵 罰劣酒 二巨觥

明府

監

選客作明府斟酌酒如何酒令
為官曠酒熱為政苛

酒鑿

觥律

明府受請宜黜陟于趨
部尚書 罰二巨觥如不
受請請則不別選

三閻獨醒

第一

人醉我獨醒彈冠復振衣滄浪
自清濁我歌漁父詞

名飲

屢飲滿不頽唐
飲量少者
許人代飲

淳于飲酒

第二

嚴客飲最少情歡則倍之襟解
聞蕪澤一石亦不辭

名飲

有飲材而不攀扯人
少年有內外
寵者二杯

穆生設醴

第

穆生不嗜酒楚元為設醴久之
意已怠生亦可去矣

累坐

主人有倦容 主人吝

色罰巨觥若主
妙任奉一客

杜康釀酒

第

儀狄善釀酒繼狄者誰良何以
消長日解憂惟杜康

歡候

隣家遺新釀

釀酒饋客
者酬巨觥

楚會絕纓

第

夜宴燭忽滅客牽美人衣美人
絕客纓王命盡絕之

酒鑿

對妓調情醜態畢露

性好調妓及
多美人者飲

樊噲卮酒

第

髮上俱指冠滌目入離披臣死
且不避卮酒安足辭

累坐

笈章程而騁牛飲

飲不如法
者再罰

酈生落魄 第七

高陽稱酒徒落魄已有年冠幸
無人溺長揖漢王前
酒鑿 隱匿年齒固遜坐位
或首席及曾遜
坐性謙者飲

曹參呼歌 第八

相國不事事閒中飲一卮隣吏
方舉觴歌呼以應之
酒鑿 曲無腔板倚醉號呶
誼諱者
巨觥

灌夫罵坐 第九

坐客不避席灌夫乃罵坐按項
罰以酒夫亦當悔過
酒鑿 醉必狺狂揀人罵坐
席上曾臧
否者飲

劉寬訊奴 第十

蒼頭酤酒遲客怒罵畜產寬恐
奴受辱訊使屢往返
尊客前叱咤奴僕
累坐 尊客前叱咤奴僕
愛嬰僮
者巨觥

方朔諧
第十第一

帝賜酒一石先生起自貴再拜
臣朔來談諧割肉歸
酒鑿 不論生熟一味諧誰
譚號飛酒 應遲者罰

相如滌器
第二十第二

文園時病渴琴心挑卓氏賣車
買酒舍犢禪嘗滌器
酒鑿 恣意狼籍益按淋漓
內有寵外有 遇各巨觥

文君當壚
第三十第三

文君奔相如甘心自當壚長向
琴臺下妖嬈喚人酤
歡候 中饋不倦排當
喜遊酒家胡 者各巨觥

陳遵投轄
第四十第四

孟公雅好客酣暢日閉戶客轄
投井中勿令避酒去
歡候 酒醇而主嚴
善避酒 者巨觥

次公醒狂 第五十第

衆多酌我酒我醉狂不已欲狂
豈在酒不飲亦如此

酒鑿

醒務木訥醉轉嘮嘈
故作醉狀及
多言者飲

楊暉拊缶 第六十第

趙女善鼓瑟奴婢皆歌呼酒後
自拊缶秦聲何嗚嗚

酒鑿

強作知音亂敲檀板
奉知音并諱錄
事後不知音罰

孔融開尊 第七十第

孔融居北海賦性故雍容坐上
客常滿尊中酒不空

累坐

頻入內不顧酒冷熱
常設客者飲
并許罰各客

馬融絳帳 第八十第

季常施絳帳儒雅籠蓋世橫經
前授徒徵歌後選妓

酒鑿

僮僕林立羅綺揚揚
妙妓美少年
同執令者飲

鄭玄餞席 第九

康成執別時三伯客祖餞立酬
三伯觴德義逾不亂
飛觥騰華德儀無愆
名飲 衆舉有飲
德者飲

揚雄草玄 第十二

子雲貧嗜酒其門人罕至有人
載酒歌草玄問奇字
名飲 終日言而不臧否人物
慎言者飲

蔡邕醉龍 第十二

蔡公如冠玉音律精而工飲酒
卧廣衢人呼爲醉龍
酒鑿 不知音律妄加褒貶
如觥律行

袁紹河朔 二十二

本初乃英豪避暑飲河朔子姓
及賓遊竟解炎蒸酷
醉宜 醉暑宜廣厦
各樣杯飲三客
有子姓陪奉

華歆獨坐

三十二

誰能飲不亂昔賢亦頗頗須要
整衣冠遂號華獨坐

酒鑿

正襟危坐儼若木雕
獨坐一杯

周郎顧曲

四十二

鳴箏金粟柱素手玉房前欲得
周郎顧時時誤拂絃

酒鑿

頻矚寵倖防人調戲
多妬忌者罰其與寵倖同飲

孫濟酒債

五十二

尋常行坐處屢負酒家資欲貨
此緼袍得錢乃償之

酒鑿

求人寄杯索還動氣
負固不服者巨觥

嵇康彈琴

六十二

時時與親舊敘濶說平生但願
斟酌酒彈琴發清聲

醉宜

醉知音宜侑樂
善琴者行客各一杯

阮籍兵厨
七十二
阮求步兵厨沉醉鑿亦洞長嘯
若懷人越禮自驚衆
越禮驚衆
累坐
離席誼
譁者罰

徐邈中聖
八十二
歲儉嚴酒禁景山私飲醉答言
中聖人魏帝亦不罪
名飲
欸詞不佞 善戲謔不
虐 私自代飲
者巨觥

鄭泉酒船
九十二
酒船五伯解甘味置兩頭反覆
以飲之疲憊當即休
酒鑿
誇耀小品物物精腆
高自標榜
者兩巨觥

張翰尊鱸
三十一
秋風想尊鱸曾聞張季鷹即時
一杯酒何用身後名
酒鑿
人杯我筋人筋我杯
舉杯者同
左右飲

山 濤 試 飲
 三 十 一
 巨源酒量宏人皆欽其寶晉帝
 欲試之飲酒至八斗
 名飲 持曲爵而不分愬
如觥 律行

劉 伶 頌 酒
 三 十 二
 劉伶善閉關懷情減聞見頌酒
 雖短章深衷自此見
 酒鑿 引入酒瘋助已興趣
自飲 巨觥

向 秀 把 臂
 三 十 三
 伯伶酒興深子期是飲客把臂
 山與王高林復野澤
 歡候 良友徑造
擇量高二 位各巨觥

阮 修 杖 頭
 三 十 四
 宣子嗜醪飲百錢挂杖頭率爾
 褰裳往言笑誰能酬
 醉宜 醉春色桃杖頭錢付酒
 家胡 與奴對飲不許下臺說 話無妓自飲兩杯無滴

阮咸豕飲
五十三

仲容喜益飲圍坐更相向群豕來飲之直接去其上
酒鑿 裸形露頂豕飲狼食
飲淋漓者卽罰以大杯

王澄捫雀
六十三

平子放浪飲散髮脫其中裸形捫鳥雀箕踞傍無人
酒鑿 據案橫肱恣意饗餐
愛魚鳥者巨觥

謝鯤任達
七十三

不修好威儀隣女往挑之任達乃不已幼輿折其齒
酒鑿 好講中籌刺刺不休
好以手豁拳及躡足附耳者俱罰以巨觥

山簡習池
八十三

飲酒高陽池日夕倒載歸時時能騎馬倒箸白接籬
酒鑿 自己與盡輒便起身
罰三觥

劉昶對飲
三十九
公榮通達士飲友不擇類勝與
不勝者終日共酣對
名飲 坐端凝而神爽逸
俊逸及靜坐
若各一杯

周顛韞藉
四十一
伯仁飲石餘才情亦韞藉過江
三日醒時號為僕射
歡候 深夜燒燭引酌悠然
有韞藉
者大杯

桓溫主簿
四十一
桓公有主簿別酒莫能儔好者
名從事惡者名督郵
名飲 終日飲不擇酒味醇劣
能品酒
者二杯

孔羣糟肉
四十二
何為布易爛因覆酒家詭君不
見糟肉淹之更堪久
名飲 寧沉酣而不傾潑酒
如鯨
律行

畢卓盜酒

三十四

卓盜隣甕釀郎舍人縛得問知
是吏部與郎酣甕側
酒鑿
心本貪杯故意犯令
貪杯者
兩巨觥

光逸窺竇

四十四

大叫者誰子此必我孟祖遽呼
入飲之窺竇勝排戶
酒鑿
好做身分屢速不至
至遲及以事
辭歸者罰

黃公酒壚

四十五

王戎與嵇阮同慕竹林風適經
酒壚下立馬憶黃公
歡候
賓主道故
請七賢遊竹林行
散子差者同遊

白波席捲

四十六

古有白波賊擒之如捲席因用
為酒令沉酒意自釋
累坐
好惡酒而諱大爵
如觥
律行

溫嶠獨往
四十七

太真少儁朗交知衛君長率爾
提酒脯獨來復獨往

酒鑿憎嫌他饌自携供具

幫餉者飲

陶侃遵約
四十八

士衡與佐吏從容共飲宴母氏
有明約詎敢過其限

酒鑿

提昏賣政不遵紀律
行問花
答字令

張華九醞
四十九

茂先能博物勸客九醞觴寧醞
酒消腸與日月爭光

名飲

口不離瓢酌而無客經
月不飲爭論者
罰巨觥

庾敳墮幘
五十九

子嵩自博暢寄通太傅府醉幘
墮几上以頭就穿取

酒鑿

我冠御席爭執禮法
巾墮懶拾
者巨觥

石崇金谷
一十五

季倫金谷澗晝夜水陸宴鼓吹
遞相奏三斗罰時彥

酒鑿 盛列高粱不尚蔬食
看席餽六墓去
客如多罰三八

義之蘭亭
二十五

少長既咸集一觴復一咏雖無
絲與竹亦足娛清聽

酒鑿 分曹行令越俎攬頰
能絲竹
者大杯

庾亮南樓
三十五

秋月滿南樓庾公屐齒屬老子
興不淺酌酒共羣吏

醉宜 醉月宜高臺
愛月及忘
機者巨觥

羊琇速釀
四十五

稚舒冬月釀嗜飲日夜醉令人
數抱甕酒速成佳味

累坐 屢呼酒不至
與新釀熟
者同引滿

嶽之乘興
五十五

子猷乘酒興看竹與訪戴不見
戴何妨不對主何怪

醉宜
醉長者宜適興

任長者
送高量

何充傾釀
六十五

文思既淵淵逸情乃雲上人見
次道飲便欲傾家釀

酒鑿
飲不擇酒全無風味

與俊逸有飲量
者各飲二觥

庾純行酒
七十五

賈充宴佳賓庾純亦與席純起
為行酒眾人敢不笑

歡候
錄事貌毅而法峻

敬監令
官一杯

孟嘉落帽
八十五

人言酒何好公未識真趣我醉
不覺風風吹落帽去

名飲
愉於色而不靡

冠不正者一大杯
左右隣各一小杯

姚馥酒泉
 五十九
 九河漬麴蘖八藪為薪蒸庖俎
 七澤糜酒泉感不勝
 累坐初令行酒竭
犯本色者大杯

陶潛辭社
 六十一
 無絃琴便撫有酒巾便漉遠公
 蓮社招無酒攢眉去
 累坐不可與飲者歡場之害
馬積眉及記酒禁者各巨

戴顒聽鳥
 六十一
 斗酒携雙柑坐聽黃鸝聲俗耳
 斟砭靜詩腸鼓吹清
 酒鑿席上搗果喫一袖二
如觥律行

羊侃獻酬
 六十二
 祖忻不飲酒常喜好賓遊終日
 同醒醉雅歌還獻酬
 名飲性不飲酒使酒人樂與
之游能酒者自飲不能者許人代之

張率笑僕

三十六

買酒三十斛僕偷失大半壯哉

雀鼠耗士簡笑僕謾

酒鑿

推算貨殖不暇舉杯

有家醞賣及買酒者各飲

幾卿對騶

四十六

幾卿侍帝宴飲酒不得醉停車

酒壚邊呼卒作飲對

歡候

不恃酒驕人

善謙遜者飲

謝惠風月

五十六

謝不妄交接有酒自斟酌入室

有清風對飲有明月

名飲

知內樂而惡外囂

性好獨酌與戀內者舉三人飲

江公酒兵

六十六

千日可無兵一日能無酒美哉

江吞議此論當不朽

名飲

屢吐酒不減其量

自誇量好者飲

元明六
 我聞王刺史盧子自佳器痛飲
 讀離騷便可稱佳士
 酒鑿
 屢講詩文不知忌止
 議論酒令及酒到
 不服者各巨觥

柳遠豪放
 季雲頌酒人豪放無拘碍世事
 無所聞縱聞亦不解
 酒鑿
 行令必差屢提不記
 不知令者
 飲巨觥

玄石
 劉公雖善飲勿飲千日釀誤葬
 疑醉死發塚乃無恙
 累坐
 深刻慘酷者杯酌之商
 君
 嗜酒者
 巨觥

陳暄
 生不離觥酌死當號酒徒速為
 營糟丘吾將老矣乎
 醉宜
 醉山家宜曲水流觴
 如觥
 律行

元忠輕官
一十七

忠兒諫僕射酣飲日彌甚我居
官喜酣爾愛官勿飲

酒

盞
講說遷除杯酌俱廢
談朝市
者飲

陰鏗飲僕
二十七

吾儕終日歡執者不知味坐客
且勿天人情乃如是

酒

盞
要結主知先勸其僕
曾勸僕
者飲

文季一斗
三十七

吳興沈太守一飲至一斗賓對
王夫人卿亦解飲否

醉宜

醉佳人宜微醺
善飲及內權
重者各巨觥

王績待詔
四十七

無功記醉鄉日月表真意日增
酒一斗稱斗酒學士

累坐

得淺酒而索深酌
索滿與糖壺
執注者同罰

知章騎馬
五十七

知章醉騎馬蕩漾若乘船兀然
如夢裡眼花水底眠
醉豪客宜呼盧浮白
醉宜 覺席內有 醉態者飲

汝陽朝天
六十七

花奴催羯鼓三斗始朝天道上
逢麴車津津口流涎
歡伏會心僕飛花送酒
合席流飲左 看滿右看乾

左相萬錢
七十七

萬錢方下筋鯨飲聲如雷避賢
初罷相樂堊且銜杯
筋不少停全無遜讓
酒鑿飲酒喚兩下作 響聲者沒官

宗之白眼
八十七

酒酒美少年玉樹臨風前舉觴
而一酌白眼望青天
酒鑿 持杯在手到口復置
送飲酒不 直者巨觥

蘇晉長齋

蘇子修淨行長齋繡佛前是佛
好米汁頌酒逃於禪
酒鑿如觥律行頰溢鯉膾舌翻名理

李白酒僊

斗酒詩百篇長安酒家眠天子
呼上船稱是酒中仙
醉宜有方術者飲醉方外宜譚神仙幽怪

張旭草聖

三杯草聖傳雲烟驚落紙脫帽
濡其首既醉猶不已
累坐能書及飲遠遊者飲席上強人作薦書

焦遂五斗

焦遂酒中仙五斗方卓然高談
與雄辯不覺驚四筵
酒鑿談鋒盛者飲奪席迂談傍若無人

鄭 度 酤 酒
八 十 三
 坐客寒無飽蘇公與酒錢得錢
 心自怡酤酒不復疑
 累坐
誇勢要是已至交
 吝嗇及呼酒不
 至者各巨觥

杜 甫 青 錢
八 十 四
 街頭酒價貴酒徒稀醉眼相就
 飲一斗三百青銅錢
 累坐
誇買古董得便宜
 席上打盹
 者滿杯

浩 然 後 期
八 十 五
 韓公薦孟君入朝先揚之浩然
 業事飲豈顧尚書期
 席間博奕賓主不禮
 酒鑿
不尊令不禮客
 者各罰巨觥

高 適 歡 舊
八 十 六
 感歡辭社游時事無所求與少
 年飲酒射獵西山頭
 談時事歎息
 累坐
善歎息者尋
 美少年同飲

宗 預恐尊中盡隔屋喚西家隣人
 武 有美酒稚子夜能賒
 賒 頻執勸杯欲客早散
 酒 累坐
賒酒與人及在
坐左右各飲

寵 寧王七寶牀寵姐帷後歌李白
 姐 雖不面聞聲幸已多
 障 累坐
如觥
律行
 障 妓嬌而樂澁

薛 薛昭遇山叟酒酣骰子擲得采
 昭 強者勝雲容薦枕席
 雲 愛閒弄骰子
 容 累坐
素曾呼盧及
山中人飲

便 便了卽髯奴執役與行酤鼻涕
 了 長一尺持勸王大夫
 行 長鬚奴送酒
 酤 累坐
如觥
律行

白傅醉鬼 二十九

醉吟先生墓莫者無日閒冢上
萬丈土泥滓何時乾
酒鑿 調弄醉客如拏傀儡
者飲 撞席

陽城引滿 二十九

陽城先引滿亦知客來意客意
欲諫飲反被公飲醉
酒鑿 辯論是非峰起滿堂
喧嚷者 罰巨觥

潯陽送客 二十九

商婦按琵琶縱絃聲轉急添酒
重迴燈司馬青衫濕
歡候 俊妓傳令
有妓妓飲無 妓變儻飲

禹錫病酒 二十九

樂天入關齋禹錫方病酒服鮮
菊苗蠶六班茶換取
累坐 問物所從來
自飲一杯病酒者一
杯席上生風行酒

長吉進酒
五十九

龍苗聞鼉鼓皓歌并細舞勸君
日酪酊青春忽將暮
醉將離宜鳴鼉引滿
醉宜
善擊鼓及
遠行者飲

麴生風味
六十九

真宗葉法善幻術也荒唐遣致
麴秀才風味不可當
酒鑿
坐逢儁秀專挾市交
如觥
律行

承祐杖吏
七十九

何令愛銜杯召吏共滿飲吏醉
白以私杖訖復與飲
累坐
席上談詞訟
如觥
律行

馬周獨飲
八十九

賓主舍新豐主人不之顧命酒
獨悠然觀者乃如堵
鑿
心屬一人四坐不顧
罰主人
巨觥

長孫看飲

九十九

澄雖不飲酒好觀人酣暢常恐
客散去勅厨緊排當

名飲

怯始猛而惜終歡

檢飲不倦及再
欲赴席者飲

司空生曠

一

表聖預為曠酌酒復賦詩將以
餒魂魄非止暫遊茲

累坐

倚老賣老

能預為壽域者左
右隣倍飲二杯

薛濤改令

一百一

高駢鎮成都薛濤為酒佐公命
改此令濤自改亦可

酒鑿

鵬政繁苛始終屢變

罰監令
官巨觥

陶穀團茶

一百二

江南陶學士雪水煮團茶党家
風味別低唱酌流霞

歡候

非觥竿不謳

唱飲二觥不能唱者
澆人唱再飲一觥

蘇軾影

一百三

吹簫客自喜長嘯客已倦鶴影
如人長前夜夢中見

醉宜

醉秋色宜畫船簫鼓蕩

漾水鄉

吹簫者飲乘
畫船者同飲

曼卿鰲飲

一百四

請君作鰲飲引首出復縮囚則
科其頭巢則坐杪木

酒鑿

敲案挺拳自擬豪舉

如鮓
律行

艾子歲臧

一百五

艾子醉後噦門人置猪臧本意
欲諫之乃譬唐三藏

酒鑿

席邊吐酒四坐憎厭

假作吐
狀者謂

了元三昧

一百六

印公了悟人三昧得遊戲常看
蘇黃飲不染淄塵累

歡候

山僧送新茶

能飲僧巨觥奉戒
僧免飲無僧自飲

醉翁名亭
 飲少輒至醉衆賓一何安智僧
 作斯亭禽鳥樂其間
 知人量淺故罰深杯
 酒鑿
 妄罰人酒
 者反坐

馮生三絕
 清吟復艷歌琵琶得三昧長爲
 不速客得酒亦復喜
 歡候
 行脚倦怠徑造見留
 左歌右唱
 勸不速客

以葉子行觴歡場雅事也陶九成說郭載瀼東漫
 士所造一卷俱醉鄉宗工詞益典美勝唐人酒令
 遠矣因重訂授梓屠田叔題

觴政述

宋 趙與時

容齋隨筆云白樂天詩鞍馬呼教任骰盤喝遣輸長
驅波卷白連擲采成盧注云骰盤卷白波莫走鞍馬
皆當時酒令余按皇甫崧所著醉鄉日月三卷載骰
子令云聚十隻骰子擲自手出而人依采飲焉堂印
本采人勸合席碧油勸擲外三人骰子聚於一處謂
之酒星依采聚散骰子令中改易不過三章次改鞍
馬令不過一章又有旗旛令閃摩令拋打令今人不

解正記
復曉其法矣唯優伶家猶用手打令以戲云以上皆
洪說余謂酒令蓋始於投壺之禮雖其制皆不同而
勝者飲不勝則罰後漢賈逵亦嘗作酒令唐世最盛
樂天詩如籌插紅螺碗觥飛白玉卮打嫌調笑易飲
訝卷波遲碧籌攢米碗紅袖拂骰盤之句不一不特
如洪所云本朝歐陽文忠公作九射格獨不別勝負
飲酒者皆出於適然其說云九射爲一大侯而寓以
八侯熊中虎上鹿下雕雉猿居右鴈兔魚居左而物
各有籌射其物則視籌所在而飲之射者所以爲群

居之樂也而古之君子以爭九射之格以爲酒禰起
爲爭爭而爲歡不若不爭而樂也故無勝負無賞罰
中者不爲功則無好勝之矜不中者無所罰則無不
能之誚探籌而飲飲非觥也無所耻故射而自中者
有不得免飲而屢及者亦不得辭所以息爭也終日
爲樂而不耻不爭君子之樂也探籌之法一物必爲
三籌蓋射賓之數多少不常故多爲之籌以備也凡
今賓主之數九人則人探其一而置其餘籌可也益
以籌而人探其一或二皆可也惟主人臨時之約然

皆置其熊籌中則在席皆飲若一物而中再則視執籌者飲量之多少而飲器之大小亦惟主人之命若兩籌而一物者亦然凡射者一周既飲醕則飲籌而復探之籌新而屢變矢中而無情或適當之亦幸而免此所以歡然爲樂而不厭也周文忠謂醉翁亭記云射者中奕者勝觥籌交錯恐或謂此陳述古亦嘗作酒令每用紙帖子其一書司舉其二書秘閣其三書隱君子其餘書士令在座默探之得司舉則司貢舉得秘閣則助司舉搜尋隱君子進於朝搜不得則

司舉并秘閣自受罰酒後增置新格聘使館主各一員若搜出隱君子則二人伴飲二人直候隱君子出卽時自陳不待尋問隱君子未出之前卽不得先言違此二條各倍罰酒注云聘使蓋賞其能聘賢之義館主兼取其館伴之義唐昭文館學士時人號爲館主人又云秘閣雖同搜訪隱君子或司舉不用其言亦不得爭權或偶失之卽不得以司舉不用已言而辭同罰也然則倍罰司舉秘閣既探得卽各明言之不待人發問如違先罰一觴司舉秘閣止得三搜

客滿二十人則五搜餘人探得帖子並默然若妄宣
傳罰巨觴別行令昔人集載潘家山同章衡飲次行
令探得隱君子爲章衡搜出賦詩云吾聞隱君子大
隱廛市間道義充諸中測度非在顏堯帝神且知知
人亦孔艱勉哉二秘閣賢行如高山近歲李寶之作
漢法酒云漢法酒立官十曰丞相曰御史大夫曰列
卿曰京兆尹曰丞摛司直曰隸校尉曰侍中曰中書
令曰酒泉太守曰協律都尉拜司隸校尉者持節鉞
舉劾劾及中書令酒泉太守者則太守以倭幸酒湮

卽得罪劾及侍中則司隸去節劾及京兆尹則上愛
其才事留中不下皆別舉劾劾丞相司直則劾之劾
列卿則列卿自訟廷辨之罪其不直者劾丞相御史
大夫者亦聽須先謁而後劾丞相御史亦得罪丞相
得罪則中書令酒泉太守皆望風自劾御史得罪則
惟酒泉太守自劾司隸以不畏疆禦後若有罪以贖
論若汎劾而及丞相御史者罪司隸劾及中書令者
事雖留中酒泉太守亦自劬劬及中書令者侍中自
劬諸劬自劬得罪者皆降平原督郵協律都尉歌以

餞之効及協律者下之蠶室弦歌詩爲新聲而求幸
又書其後云右酒令也官用漢制爲之集者止九人
則缺京兆尹八人則缺侍中七人則缺御史大夫行
丞相事六人則缺司直當飲者皆卽飲之或未舉飲
者亦可計集者之數以爲除官之數每官飲者予一
筭除官旣周視其筭以爲飲齊三筭者卽飲之二筭
者與其筭等者決之一筭則留以須後律令載所不
及者比附芝事云館閣有小酒令一卷慶曆中錦江
趙景撰飲戲助勸三卷元豐中安陽竇黽撰酒令在

焉酒籤詩一卷皇朝知黔南縣黃鑄撰以詩百首爲
籤使探得者隨文勸酒鑄字海器柳州人釣鰲圖一
卷不知作者刻木爲鰲魚之屬作水中釣之以行勸
罰凡四十類各有一詩又有采珠局亦此類序稱撰
人爲王公不知其名凡三十餘數亦各有一詩又有
投卧瓮人格皇朝李庭中撰以畢卓稽康劉伶阮藉儀
狄顏回屈原陶潛孔融陶侃張翰李白白樂天爲目
蓋與陳李之格大同小異特各更其名耳投壺經唐
上官儀嘗奉敕刪定史道玄續注蓋集周顒郝同梁

簡文數家之書爲之司馬文正公更以新格舊書爲之盡廢晁子止侍郎公武郡齋讀書志又有木射圖一卷云唐陸秉撰爲十五筍以代候擊毬以觸之筍飾以朱墨字以貴賤之朱者仁義禮智信溫良恭儉讓墨者慢傲佞貪濫仁者勝濫者負而行賞罰焉亦此具也梁王魏帝金谷蘭亭又皆於遊燕之際以賦詩作賦不成者罰酒高似孫緯略已詳此不重出

蘓孟淑曰聞古人几筵旣設佐史是臨故衆偶敵觴則終宵競譁而一人司政滿座無譁若夫藏闈射覆折字聯篇亦足以禁沉湎之思發才情之致矣昔之觴政可無述云

醉鄉日月

宋 皇甫崧

飲論第一

謀飲第二

為賓第三

為主第四

明府第五

律錄事第六

觥律事第七

選徒第八

改令第九

令誤第十

骰子令第十一

詳樂第十二

旗幡令第十三

下次據令第十四

醉鄉日月

閃擊令第十五

上酒令第十六

並著詞令第十七

按門人第十八

手勢第十九

拒潑第二十

逃席第二十一

使酒第二十二

勤學第二十三

樂規第二十四

小酒令第二十五

雜法第二十六

進戶第二十七

釀酒第二十八

風俗第二十九

自序第三十

飲論

醉花宜晝

襲其光也

醉雪宜夜

樂其誨也

醉得意宜豔唱

宜其和也

醉將離宜鳴鼉

一作擊鉢壯其神也

醉文人宜謹節奏慎章程

畏其侮也

醉俊人宜益觥盃加旗幟

助其烈也

醉竹宜暑

資其清也

醉水宜秋

泛其爽也

此皆以審其宜收其景以與憂戰也

嗚呼反此道者失飲之天也凡酒以色清味重而餽

為聖色如金而味醇且苦者為賢色黑酸醜者為愚

人以家醪糯觴醉人者為君子以家醪黍觴醉人者

為中人以巷醪灰觴醉人者為小人夫不慳之候有

九主人恠一也賓輕主二也鋪陳雜而不叙三也樂

生而妓嬌四也數易令五也騁牛飲六也迭詼諧七也互相熟一作手相屬八也謹骰子九也懽之徵有十三得其時一也賓主久間二也酒醇而主嚴三也非觥盃而不誣雖而繫不誣者四也不能令有耻五也古重膳六也不動筵七也錄事貌毅而法峻八也明府不受請謁九也廢賣律十也廢替律十一也不恃酒十二也使勿懽勿暴十三也審此九侯十三徵以爲術者飲之王道也其懽樂者飲之霸道也

謀飲 闕

爲賓

愚同柴也僻若子張當宣令乃克耳不聽及行令則瞋目重問此陪席座人耳

爲主

主前定則不繁賓前定則不亂樂前定則必暢酒前定則必嚴時然後懽人乃不厭

明府

明府之職前輩極爲重難二十人共飲立一人爲明府所以規其斟酌之道每一明府管骰子一雙酒鈞

一雙此皆律錄事分配之承命者法不得拒凡主人
之右主酒者申明府得以糾諸座之罪夫酒懦為曠
官酒猛為苛政懦為冷也 猛為熱也若明府貪務承命酌席人
遂使請告紛喧黷撓錄事請告謂席人 請難之類明府之辜暴
於四矣

律錄事

夫律錄事者須有飲材材有三謂善令知音大戶也
凡籠臺以白金為之其中實以籌一十枚旂一纛一
旂所以指巡也纛所以指犯也賓主就坐錄事取一

籌以旂與纛偕立於中餘置器右首執爵者告請骰
子命受之復告之曰某忝骰子令乃條其說於錄事
錄事告於四席曰某官忝骰子令然累宣之錄事之
令也必令其詞異於席人所謂巧宣也席人有犯卽
下籌犯者執爵請罪輒曰一爵法未當言犯者不徒
退請併下三籌然告其狀讞不當理則反其籌以飲
焉席人刺錄事亦如之

觥律事

凡烏合為徒以言笑動眾暴慢無節或纍纍起坐或

附耳聒語律錄事以本戶繩之奸不衰止者宜觥錄
 事糾之以剛毅木訥之士為之有犯者輒投其旂於前曰某犯
 觥令拋法先旂而后纛也犯者諾而收執之拱曰知罪明府餉
 其觥而斟焉犯者右引觥左執旂附于胸律錄事顧
 伶曰命曲破送之飲訖無墜酒稽首以旂觥歸於觥
 主曰不敢滴瀝復觥于位後犯者投以纛累犯者旂
 纛俱舞觥籌盡有犯者不問

選徒

大凡寡於言而敏於令者酒徒也怯猛飲而惜終歡
 者酒徒也不動搖而貌愈毅者酒徒也聞其令而不
 重問者酒徒也不停觥而言不雜亂者酒徒也改令
 及時而不涉重者酒徒也持屈爵而不紛訴者酒徒
 也知內樂而惡外囂者酒徒也故吉飲之法選徒為
 根幹選酒為枝葉選令為敷萼則可以慎難者斷可
 知矣

改令闕

令誤闕

骰子令

大凡初筵皆先用骰子蓋欲微酣然後迤邐入酒令

詳樂 闕

旗幡令 闕

下次據令 闕

閃擊令 闕

上酒令 闕

並著詞令 闕

按門人 闕

手勢

大凡放令欲端其頸如一枝孤栢其神如萬里長江
揚其膺如猛虎蹲踞運其眸如烈日飛動差其指如
鸞欲翔舞柔其腕如龍欲蜿蜒旋其蓋如羊角高風
飛其袂如魚躍大浪然後可以收漁風月繒繳笙竿

拒潑

孟子曰殺人以挺與刃有以異乎然則酗酒以拒與
潑有異乎同歸酗酒也蓋有聞飲必來見盃卽拒或
酒糾不容明府責飲則必固為翻灑推作周章始持
盃而啜呼繼背燭而傾潑如此則俱為害樂併是蠹

歡自當抑之別室延以清風展薤葉而開襟極茗芽
以從事

逃席

酒徒有逃席之病弃之如脫屣

使酒

大凡茂章程而務牛飲者非歡源也醒木訥而醉喋
喋者非歡源也飾已非而尚議讞者非歡源也得淺
酒索深酌者非歡源也飲愈多而貌彌淡者非歡源
也已謬而惡人言者非歡源也不諭令而疾敏者非

歡源也好請醉罪而諱以籌者非歡源也此八者蓋
沉酗之濫觴紛喧之鴻漸也

勤學

闕

樂規

闕

小酒令

闕

雜法

闕

進戶

進戶法葛花小豆花各陰乾七兩爲末精羊肉一斤
如法作生以二花末一兩勻入於生中如先只飲得

五盞以十盞好酒熱煖沃生生服之三五日進一服
花盡則戶倍矣

釀酒 闕

風俗 闕

序 闕

罰爵典故

宋 李廌

周禮觥其不敬者觥罰爵也

詩桑扈兕觥其觥注罰爵也觥然不用

禮記檀弓杜蕢酌飲師曠李調及晉平公投壺偕立

踰言有常爵又若是者浮注有常爵謂有常例罰爵

也浮亦罰也一說謂罰爵之盈滿而浮泛也

論語下而飲

韓詩外傳齊桓置酒令日後者罰飲一經程

說苑魏文侯與大夫飲酒令曰不釐者浮以大白於
是公乘不仁舉白浮君

漢書叙傳皆飲滿舉白服虔曰舉滿杯有餘白漉者
舉罰之孟康曰舉白見驗飲酒盡不師古曰引取滿
觴而飲飲訖舉觴告曰盡不一說白者罰爵之名飲
不盡者以此爵罰之

徐邈云御叔罰於飲酒

陳后主先令張貴妃等裝采箋製五言詩孔範等十
客一時繼和遲則罰酒

酉陽雜俎酒至鸚鵡盃徐君房飲不盡屬魏肇師肇
師曰海蠡蛇蜒尾翅皆張非獨爲玩好亦所以爲罰
韓安國作几賦不成罰三升

蘭亭之會王子敬詩不成飲三觥

景龍文館記詩序云人題四韻後者罰三盃
郝隆不能詩受罰及金谷酒數

王义在江總席上曰雖深盃百罰吾亦不辭
杜工部詩百罰深盃亦不辭

熙寧酒課

宋 趙珣

四十萬貫以上

東京

成都 二十八務

三十萬貫以上

開封 三十三務 秦 十八務

杭 十務

二十萬貫以上

京兆 二十三務 延 十二務

鳳翔 二十五務

渭 十三務

蘇 七務

十萬貫以上

西京 二
三務十

北京 二
七務十

齊 二
六務十

鄆 一
務十

徐 七
務七

許 三
務十三

滄 二
三務十

真定 八
務八

定 六
務六

華 十
務十

慶 三
務十三

鎮戎 六
務六

太原 十一
務十一

毫 十二
務十二

鄆 六
務六

宿 三
務十三

楚 五
務五

泗 七
務七

真 七
務七

越 十
務十

湖 六
務六

婺 九
務九

秀 七
務十七

江寧 六
務六

常 九
務九

江陵 十五
務十五

綿 四
務十四

漢 九
務十九

邛 九
務十九

果 二
務二

梓 八
務十八

閬 四
務三

五萬貫以上

南京 九
務九

青 十
務十

密 五
務五

萊 四
務四

淄 七
務七

淮陽 四
務四

兗 九
務九

濟 六
務六

單 四
務四

濮 七
務七

襄 八
務八

鄧 八
務八

孟 五
務五

蔡 二
二務十

陳 六
務六

穎 七
務七

鄭 八
務八

澶 九
務九

冀 四
務十四

瀛 十
務十

博 十四
務十四

棣 十三
務十三

德 六
務十六

思 一
務十一

濱 八
務八

相 七
務七

邢 二
務十二

洛 一
務十一

深 五
務五

趙 七
務七

河 七
務七

陝 五
務十五

同	環	階	儀	揚	舒	溫	宣	鼎
務十一	務十一	務六	務七	務九	務十九	務七	務七	務五
耀	保安	德順	絳	泰	無為	台	信	眉
務五	務二		務八	務八	務十	務八	務八	務十六
邠	涇	通遠	隰	壽	潤	潭	蜀	
務五	務六		務八	務十六	務六	務四	務八	
寧	隴	晉	汾	廬	明	睦	鄂	彭
務八	務十	務十	務四	務三	務五	務七	務八	務八

五萬貫以上

嘉	建	沂	汝	磁	通利	坊	忻
務三	務十二	務六	務十	務十一	務六	務四	務二
遂		淮	滑	衛	解	鳳	嵐
務四		務三	務四	務五	務四	務五	務四
合		曹	未靜	祁	號	岷	保德
務九		務四	務六	務三	務六		務一
興元		光化	懷	保	商	乾	岢嵐
務三十		務一	務十	務一	務八	務七	務二

石 務二
海 務四
通 務四
斬 務八

和 務五
光 務七
黃 務八
漣水 務一

高郵 務三
太平 務六
江 務六
洪 務七

饒 務九
在城 務五
興國 務三
安 務五

澧 務二
岳 務四
簡 務十五
資 務十六

懷安 務十二
劍 務三
莫 務四
均 務三

三萬貫以下

廣濟 務一
隨 務二
金 務一
雄 務一

郢 務三
唐 務五
莫 務四
均 務三

乾寧 務二
灞 務四
安肅 務一
永寧 務二

廣信 務一
順安 務一
丹 務三
北平 務一

熙 務一
成 務三
路 務十
府 務一

代 務七
威勝軍 務八
平定軍 務四
澤 務五

憲 務一
慈 務三
遼 務三
滁 務六

濠 務七
處 務八
歙 務六
南康 務四

廣德 務二
虔 務十三
池 務六
撫 務一

筠 務一
臨江 務三
建昌 務三
衡 務六

漢陽 務三
陵井監 務二十
永康 務八
荆門 務一

昌

務四

普

務四十三

榮

務六

渠

務一

廣安

務三

利

務六

南

務十五

三泉

務一

蓬

務七

興

務一

洋

務五

一萬貫以下

登

務三

信陽

務二

信安

務一

保定

務一

房

務三

慶成

務三

寧化軍

務一

南安

務二

吉

務九

袁

務四

末

務三

邵

務二

峽

務一

歸

務一

雅

務七

瀘

務一

巴

務十四

邵武

務四

文

務一

五千貫以下

原

務十一

開寶監

火山軍

務一

道

務一

柳

務一

全

務一

桂陽

務六

戎

務三

富順監

務一

龍

務三

集

務二

壁

務二

大寧監

務一

渝

務四

萬

務一

忠

務一

無定額

萊蕪監

利國監

河

康定軍

沙苑監

太平監

司竹監

大通監

麟

豐永平監

辰

沅

清州監

黎

茂

威

劍門關

無權

夔

黔

達

開

施

涪

雲安

梁山

福

汀

泉

漳

典化

廣南東西兩路州軍

新豐酒法

宋 林洪

初用麴一斗糟醋三升水二擔煎漿及沸以麻油川
 椒葱白候熟浸米一石越三日蒸飯熟及以元漿煎
 強半及沸去又浸以川椒及油候熟注缸面入斗許
 飯及麴末十斤酵半升暨晚以元飯貯別缸却以元
 酵飯同下入水一擔麴二斤熟踏覆之既晚以木擺
 越三日止四五日可熟其初餘漿又加以水浸米每
 值酒熟則取酵相接續不必灰其麴只磨麥和皮用

新豐酒法
清水搜作餅令堅如石初無它藥僕嘗從危吳齋子
驂之新豐故知其詳危君此時嘗禁竊醉以所釀以
今所釀且給新以潔所醉誘客舟以通所釀故日而
利不虧是以知一酒政之微危亦究心矣昔入丹陽
道中詩云乍入新豐市猶聞舊酒香抱琴沽一醉盡
日臥斜陽正其地也沛中自有舊豐馬周獨酌之地
乃長安效新豐也

酒乘

元 韋孟

周公作酒誥一篇

衛武公作賓筵詩一章

汝陽王璉甘露經又酒譜一卷

宋志酒錄一卷又白酒方一卷四時酒要一卷秘修

藏釀方一卷

王績酒經又酒譜二卷

劉炫酒孝經貞元飲畧三卷

酒乘

寶子野酒譜一卷又酒錄一卷

朱翼中酒經三卷

胡節還醉鄉小畧五卷白酒方一卷

胡氏醉鄉小畧一卷

皇甫崧醉鄉日月三卷條刺飲事三十篇

臨安徐炬酒譜

侯白酒律

東坡釀酒經一章

陽曾龜令譜芝蘭一卷

同塵先生小酒令一卷

焦革酒譜一卷

高允酒訓一卷

劉乙百悔經

觥記注

宋 鄭獬

黃帝時有瑪瑙甕中有寶露堯時猶存時淳則露滿時澆則露竭

紂為瓊杯 南昌國獻敬宗玳瑁盆 周穆王時西

域獻常滿杯 秦始皇赤玉甕 漢文帝時方士新

垣衍獻玉杯 唐時高麗國獻紫霞杯 渤海檫於

癭盃 尉賓國獻水晶杯 波祗國文螺卮 唐武

德二年西域獻玻璃杯

內庫一杯青色紋如亂絲其薄如葉杯足有鏤金字
曰自煖杯上命以酒置之温温然有氣相吹如沸
魏后有瑪瑙榼容三升玉縫之人稱爲西域鬼作
撒馬罕兒國卽漢時之罽賓國也進一杯名照世杯
光明洞徹照之可知世事

爵者容一升周曰爵

觚者鄉飲酒之爵也受二升

角者以角爲之受四升

觶者適也當適可也所以節飲金屈卮如菜椀而有

手把子

觥者受五升毛詩注七升罰不敬也兕觥以兕牛角
爲之

斝者畫禾稼之象於上受六升商曰斝

斗者取象於北斗受十升

鹵者中尊也受五斗

彝者上尊也受三斗

罍者下尊也受六斗

甒者紂臣昆吾作瓦器也受五斗

尊也
罍者象雲雷施不窮也受一石金罍容一斛山罍夏

壺者園器也受十斗乃一石也重一百二十斤或曰
劉伯倫一飲一石五斗古時斗窄以今量較之古一
石得三斗其五斗當一斗五升也

琖者夏日琖與盞同

鍾者二正謂之鍾

杯栳否船釭匡六字通同

匱者亦杯也

樽本作尊周禮樽盞甄樽樽通同

大貝出日南可爲酒杯見爾雅翼

觴者卮之總名也謂之羽觴者如生爵之形有頸尾
羽翼

瓶甕餅甕通用似鍾而頸長

盃者小孟也椀甃同

缶者小瓦盆也秦人擊之以節歌杜子美詩莫笑田
家老瓦盆自從盛酒長兒孫

坎者小罍也見爾雅

勺者挹酒之器容一升與杓同有龍勺蒲勺疏勺皆裸爵也

劉表三爵一曰伯雅七升二曰仲雅六升三曰季雅五升

嵇叔夜刻杯爲鸞鳥之形名曰鸞觴

烏孫國貢劉表號青田壺貯水卽如酒可供二十人天帝仙家有流花寶爵日中爭光

車渠椀玉屬織理縟文出西車渠國

綠文測海蠶陳后主之酒器也

大甕大杓晉諸阮之酒器也

唐寧王有煖玉杯

隋文帝時突厥獻玻璃七寶杯唐玄宗以酌李白張易之有鴛鴦盞

李太白詩酒飛鸚鵡重有鸚鵡鐺

九曲杯以螺爲之數穴極灣曲可以藏酒

李適之七品曰蓬萊盞海山螺舞仙螺匏子卮慢卷荷金蕉葉玉蟾兒皆因象爲名

金鑿落韓昌黎詩酡顏傾鑿落宋姜堯章詩剪燭屢

呼金鑿落

馮道家有水晶不落一隻白樂天詩銀花不落從君勸

唐文宗賜牛僧孺龍杓

西京有香螺卮

昭宗有鸚鵡卮

唐時有蓮子杯又有注子名偏提

五位瓶南唐以銅爲之高三尺圍八九尺上下置如桶

宋乾德間高昌國進琥珀盞

蘇東坡有藥玉盞又有荷葉杯工製美妙

黃庭堅有梨花盞

玉東西金叵羅皆古飲器

火鷄卵杯注酒自熱

廣州人取大蝦頭爲杯

蟹杯以金銀爲之飲不得其法則雙螯鉗其唇必盡乃脫其製甚巧

櫻杯織成花鳥可愛

南海出龜同鶴頂杯酒船以金銀爲之內藏風帆十副酒滿一分則一帆舉飲乾一分則一帆落真鬼工也

服匿如罌小口大腹方底受酒賂二斗匈奴之器
罍破瓢爲杯也婚禮婿揖婦入共牢而食合罍而酌
汕碗折酒之大碗也

玉缸唐詩花撲玉缸春酒香

雙鳧杯一名金蓮杯卽鞋也王深輔道有雙鳧杯詩
則知昔日狂客亦以鞋杯爲戲也

白玉蓮花杯王永年與竇卞楊繪飲于私室出其妻
趙氏間坐令妻以左右手酌酒獻卞繪謂之白玉蓮
花杯

文宗有神通盞了事盤

自同光至開運中有五位餅九曲杯

耀州陶匠創造一等平底深盃狀簡古號小海甌

房州元自誠抵鵲盃

陶穀家有魚英酒琖

畢卓酒船

麴本草

宋 田錫

廣西蛇酒罈上有蛇數寸許言能去風其麴乃山中取草所造良毒不能無慮

江西麻姑酒以泉得名今其泉亦少其麴乃羣藥所造浙江等處亦造此酒不入水者味勝麻姑以其米好也然皆用百藥麴均不足尚

菘豆酒麴有菘豆乃解毒良物固佳但服藥飲之藥無乃亦有灰不美

南京瓶酒麴米無醱以其水有醎亦着少灰味太甜
多飲畱中聚痰

山東秋露白色純味冽

蘇州小瓶酒麴有葱及川烏紅豆之類飲之頭痛口
渴

處州金盆露清水入少薑汁造麴以浮飲法造酒醇
美可尚香色味俱劣於東陽以其水不及也

東陽酒其水最佳稱之重於他其酒自古擅名事林
廣記所載釀法麴亦入藥今則絕無惟用麴麴蓼汁

拌造假其辛辣之力蓼性解毒亦無甚碍俗人因其
水好競造薄酒味雖少酸一種清香遠達入門就聞
雖鄰邑所造俱不然也好事者清水和麴麴造麴米
多水少造酒其味辛而不厲美而不甜色復金黃瑩
徹天香風味奇絕飲醉並不頭痛口乾此皆水土之
美故也

暹羅酒以燒酒復燒二次入珍貴異香每罈一箇用
檀香十數斤燒烟薰之如漆肢後入酒蠟封埋土中
二三年絕去燒氣取出用之有帶至船上者能飲之

人三四盃卽醉價值比常數十倍有疾病者飲一二盃卽愈且殺蠱子親見二人飲此酒打下活蠱長二寸許謂之鞋底魚蠱

枸杞酒補虛損去勞熱長肌肉益顏色肥健人止肝虛目淚

菊花酒清頭風明耳目去痿痺開胃健脾煖陰起陽消百病

葡萄酒補氣調中然性熱北人宜南人多不宜也

桑椹酒補五臟明耳目

狗肉酒大補然性大熱若陰虛人及無冷病人飲之成病

豆淋酒以黑豆炒熟用熱酒淋之療男婦諸風產後一切惡疾酒不可與乳同飲令氣急白酒用牛肉食腹内生蟲

酒爾雅

宋 何劭

醑酒母也醪酒本也醖重醞酒也酎醞酒也醅未泐
之酒也醪汁滓酒也醕厚酒也醔薄酒也醴一宿酒
也醝酒微清而濁也黃封官酒也醞清酒也醕清而
甜也醜濁酒也醜苦酒也醜紅酒也醜綠酒也醜白
酒也玄鬯醇酒也上尊糯米酒也中尊稷米酒也下
尊粟米酒也玄酒明水也四酎四重釀也三友者樂
天以詩酒琴爲三友今人指三友爲酒音同之訛也

酒
燻蠶乾酪也

酒者酉也釀之米麴酉澤久而味美也

亦言馭也能否皆強相馭持也又入口咽之皆馭其
面也

酒者就也所以就人性之善惡也亦言造也吉凶所
由造也

飲食者所以合歡也

酒以成禮不繼以滛義也以君成禮弗納于滛仁也
酒者天之美祿帝王所以頤養天下享祀祈福扶衰

養疾百福之會

夫酒之設合禮致情遍體歸性禮終而退此和之至
主意未殫賓有餘豪可以致醉無致于亂

酒小史

元 宋伯仁

春秋椒漿酒

西京金漿醪

杭城秋露白

相州碎玉

薊州薏苡仁酒

金華府金華酒

高郵五加皮酒

長安新豐市酒

汀州謝家紅

南唐臘酒

處州金盤露

廣南香虵酒

黃州茅柴酒

燕京肉法酒

漢時桐馬酒

關中桑落酒

平陽襄陵酒

山西蒲州酒

山西太原酒

邯鄲邯筒酒

淮安苦蒿酒

雲安麴米酒

成都刺麻酒

建章麻姑酒

滎陽土窟春

富平石凍春

池州池陽酒

宜城九醞酒

杭州梨花酒

博羅縣桂醞

劍南燒春

江北榑酒

唐時玉練槌

灞陵崔家酒

汾州乾和酒

山西羊羔酒

安成宜春酒

潞州珍珠紅

魏徵醞醪翠瀉

閩中霹靂春

嶺南瓊瑄酎

蒼梧寄生酒

唐憲宗李花釀

宋昌王八桂酒

晉阮籍步兵厨

曹湜介壽

劉后瑶池

馮翊含春

隋煬帝玉薤

孫思邈醪酥

王公權荔枝綠

廖致平綠荔枝

謝侍郎章丘酒

王莽進椒菊酒

楊世昌密酒

肅王蘭香酒

漢武蘭生酒

蔡攸棣花酒

陸士衡松醪

淮南棗豆酒

華氏蕩口酒

顧氏三白酒

鳳州清白酒

劉拾遺玉露春

曹晨保平

宋劉后玉腴

王師約瑤源

蔡檜表勳

宋開封瑤泉

梁簡文鳧花

宋高后香泉

劉孝標雲液

宋德隆月波

安定郡王洞庭春色

東坡羅浮春

范至能萬里春

段成式湘東美品

魏賈將崑崙觴

劉白墮擒奸

燕昭王瑤珉膏

洪梁縣洪梁酒

高祖菊萼酒

梁孝王縹玉酒

漢武百味旨酒

扶南石榴酒

辰溪釣簾酒

梁州諸蔗酒

蘭溪河清酒

蘇祿國蔗酒

南粵食蒙枸醬

高麗國林慮醬

訶陵國柳花酒

西域葡萄酒

烏孫國青田酒

彭坑釀漿爲酒

東西竺以柳子爲酒

北胡消腸酒

南蠻檳榔酒

答刺國釀茭樟爲酒

真蟾國有酒五 一曰蜜糖酒 一曰朋牙 一曰包

稜角 一曰糖鑑酒 一曰茭漿酒

暹羅國釀秫爲酒

假馬里丁釀蔗爲酒

酒名記

宋 張能臣

后妃家高太皇香泉向太后天醇張溫成皇后醴醪
朱太妃瓊酥劉明達皇后瑤池鄭皇后坤儀曹太后
瀛玉宰相蔡太師慶會王太傅膏露何太宰親賢親
王家鄆王瓊腴肅王蘭芷五正位椿齡嘉琬醕濮安
懿王重醞建安郡王玉瀝戚里李和文駙馬獻卿金
波王晉卿碧香張駙馬敦禮醴醪曹駙馬詩字公雅
成春郭駙馬獻卿香瓊大王駙馬瑤琮錢駙馬清醇

內臣家童貫宣撫褒公又光忠梁開府嘉義楊開府

美誠府寺開封府瑤泉市店豐樂樓眉壽又和旨即白

也 禛樓 忻樂樓仙醪即任 和樂樓瓊漿即莊 遇仙樓玉

液玉樓玉醞鐵薛樓瑤醴仁和樓瓊漿高陽店流霞

清風玉髓會仙樓玉醑八仙樓仙醪時樓碧光班樓

瓊波潘樓瓊液千春樓仙醇今廢 中山園子店千日

春今廢 銀王店延壽蠻王園子正店玉漿朱宅園子

正店瑤光邵宅園子正店法清大桶張宅園子正店

仙醪方宅園子正店瓊酥姜宅園子正店羊羔梁宅

園子正店美祿郭小齊園子正店瓊液楊皇后園子

正店法清三京北京香桂又法酒南京桂香又北庫

西京玉液又醑醑香四輔澶州中和堂許州淇泉鄭

州金泉河北真定府銀光河間府金波又玉醞保定

軍知訓堂又杏仁定州中山堂又九醞保州巡邊銀

條又錯著水德州碧琳濱州石門又宣城博州宣城

又蓮花衛州栢泉棣州延相堂恩州揀米又細酒洛

州玉瑞堂夷白堂又玉友邢州沙醑金波磁州風麴

法酒深州玉醑趙州瑤波相州銀光懷州宣城又香

桂又定州瓜麴又錯著水河東太原府玉液又靜制
堂汾州甘露堂隰州瓊漿代州金波又瓊酥陝西鳳
翔府橐泉河中府天祿又舜泉陝府蒙泉華州蓮花
又冰堂上尊邠州靜照堂又玉泉慶州江漢堂又瑤
泉同州清洛又清心堂淮南揚州百桃廬州金城又
金斗城又杏仁江南東西宣州琳腴又雙溪江寧府
芙蓉又百桃又清心堂處州谷簾洪州雙泉又金波
杭州竹葉清又碧香又白酒蘇州木蘭堂又白雲泉
明州金波越州蓬萊潤州蒜山堂湖州碧蘭堂又雪

溪秀州月波三州成都府忠臣堂又玉髓又錦江春
又浣花堂梓州瓊波又竹葉清劔州東溪漢州簾泉
合州金波又長春渠州葡萄果州香桂又銀液閬州
仙醇峽州重慶至喜泉夔州法醪又法醞荆南湖北
荆南金蓮堂鼎州白玉泉辰州法酒歸州瑤光又香
桂福建泉州竹葉廣南廣州十八仙韶州換骨玉泉
京東青州棟米齊州舜泉近泉又清燕堂又真珠泉
第一 兖州蓮花清曹州銀光又三醖又白羊又荷花
也 鄆州風麴白佛泉又香桂濰州重醞登州朝霞萊州

玉液徐州壽泉濟州宜城濮州宜城又細波單州宜
城又杏仁京西汝州揀米滑州風麴又水堂金州清
虛堂郢州漢泉又香桂隨州白雲樓唐州淮源又泌
泉蔡州銀光香桂房州瓊酥襄州金沙又宜城又檀
溪又竹葉清鄧州香泉又寒泉又香菊又甘露潁州
銀條又風麴均州仙醇河外府州歲寒堂

